

Tlhahlo ya Morutiši Bibele ya ka ya Pele

Matseno

Go ruta polelo go diragala ge go nepišetšwe go hlagišeng mehlala ya nnete ya polelo. Maikemišetšo le mafolofolo a go ithuta ke tšona tše maatla mabapi le go tšwetša polelo pele. Morutiši goba motswadi o swanetše go bontšha tlhohleletšo le kgotlelelo go tšohle tšeo baithuti ba di bolelago le tšeo ba di ngwalago. Ge morutiši a ruta, baithuti ba swanetše go tseba nepo ya thuto yeo ba e rutwago gomme a ba hlalose tše le sephetho sa thuto yeo.

Dikanegelo tšeo di leng ka pukung ya ngwana re di khutsofaditše go lekana le mengwaga ya gagwe. O ka boa wa ba balela kanegelo yeo e feleletšego go tšwa Bibeleng gore ba kgone go kwešiša kanegelo ka moka o be o e bušetše.

Tšeo di latelago ke diphetho tšeo morutiši a swanetšego go di ruta baithuti:

- Go tseba alfabete
- Go aga dipolelo
- Go fapafapantšha segalo (go theoša o phagamiša lentšu)
- Go fana ka mošomo woo o tlogo betla kgopolo
- Go bušetša kanegelo yeo ba e baletšwego gape
- Bokgoni bja go theeletša
- Bokgoni bja go bala
- Bokgoni bja go ngwala
- Go itlhamela pukuntšu (tikišenare)
- Go tseba go amanya diswantšho le dihlogo tša tšona le go di bea ka tatelano
- Go tseba phapano magareng ga dilo tšeo di swanago le tšeo di sa swanago
- Go tseba go fetiša melaetša

Latela ditlhahlo

Diaekhone tšeo di lego ka tlase di thuša morutiši le baithuti go latela ditaello tša thuto yeo.



Morutiši/mothuši o a bala gomme a hlalose.



Lebelela — baithuti ba a kgetha, ba lebelele mantšu.



Phensele — baithuti ba a ngwala.



Bolela — baithuti ba bušetša mantšu goba ba arabe dipotšišo.



Nyaka o humane — baithuti ba swanetše go humana dilo goba mantšu.



Phensele ya mmala — baithuti ba a thala goba ba tsentšhe mmala.



A re šome — e bontšha mošomo wa baithuti.



Go opa matsogo — baithuti ba a opa gomme ba bale.



Go swaya — baithuti ba swaya karabo yeo e nepagetšego.

Thuto ya 1 – Tlhaka e tee

Puku ye e lokišeditšwe bana ba mengwaga ye mehlano go ya go ye šupa. Batswadi le barutiši ba sekolo sa Lamorena ba dumeletšwe go thuša bana ka gohle ka moo ba ka kgonago go ithuta. Mo baithuti ba

fiwa monyetla wa go ithuta ka moo medumo e bitšwago ka gona. Go dirwa gore bana ba humane go le bonolo go bala Sepedi. Mantšu a mantši ke a tlhaka e tee gomme ke mantšu ao a humanegago Bibeleng. Medumo e ngwadilwe ka ditlhaka tše kgolo le ditlhaka tše nnyane. Thoma ka go ba ruta ditlhaka tše nnyane.

Morutiši/Mothuši

Nepo ya thuto ye ke go ruta ditlhaka goba medumo. Ba rute ditlhaka gore ba di bale gomme ba ngwale mantšu ka moka. Ge ba ngwala ditlhaka tša alfabete ba thoma ka ditlhaka tše nnyane gomme ba ya go tše dikgolo.

Bea bana go ya le ka mengwaga ya bona. Bao ba sa leng ba bannyane kudu, bao ba thomago go tla sekolong, ba bale ditumanoši, a, e, i, o, u. Go bohlokwa go di bušeletša gantši go fihlela ba di tswaela. Gopola gore di ba thuša go rata go bala puku.

Thuto ya 2 – Ditlhaka tše pedi

Ka ge bana dithutong tša kerekeng ba bewa ka mengwaga, morutiši a netefatše gore ba thušana go bala mantšu a mafsa. Ge ba fetša go bala ditlhaka thutong ya pele, moo e lego botlhakatee, re fetela go botlhakapedi le botlhakatharo ka mokgwa woo re bitšago mantšu a Sepedi ka gona gore go be bonolo go a bala. Ba hlohleletše go hlama mantšu ka medumo e mengwe yeo ba e filwego, ba e bolela ka molomo gomme morago ga moo ba a ngwale fase ba thušana.

Morutiši/Mothuši

Ba hlohleletše go hlama dipolelo ka mantšu ao ba ithutilego ona go netefatša gore ba a kwešiša.

Thuto ya 3 – Ke nna yo

Baithuti ba hlohleletšwa go thala gore ba be le boitshepo. Ga go na seswantšho seo se sa lokago, diswantšho ka moka di lokile. Ba ngwala dintlha ka bobona ba thušwa ke barutiši, ke batswadi le bana ka bona. Ba hlohleletše gore ge ba fihla gae ba kgopele thušo mabapi le mošomo woo o ba filego wona.

Thuto ya 4 – Tiholo ya Modimo

Bana ba rutwa ka tiholo ya Modimo. Ba rute go nepa lentšu. A ba ithute mantšu ka moka, morago ga moo ba ngwale mantšu ka medumo yeo ba e filwego, mohlala:

bj – bjang

ph – diphoofolo

di – dinaledi

Thuto ya 5 – Thapelo ya bana

Efa bana sebaka sa go bolela dilo tšeo ba dumago go di rapelela.

Morutiši/Mothuši

A ba lebelele mantšu le medumo Yy le Ww yeo e lego mo thutong ye. E re ba ngwale a mangwe ao ba inaganelang ona.

Thuto ya 6 – Areka ya Noa

Morutiši/Mothuši

A ba bolele ka seswantšho sa sekepe sa Noa. Ba dumelele go boledišana ka areka ya Noa. Ba bontšhe molalatladi gomme ba bolele ka mebala ya wona. E re ba thale molalatladi gomme ba tsentšhe mebala ya wona.

Thuto ya 7 – Meetsefula

Morutiši/Mothuši

A ba nagane ka diphoofole ka moka tša gagwe le tša nageng tšeo ba di tsebang. Ba hlohleletše go thala phoofole efe goba efe yeo ba ratago go e thala.

Thuto ya 8 – Pula ya khula

Bana ba bolele ka dilo tšeo di lokilego le tšeo di sa lokago mabapi le pula. Kgopela baithuti go thala pula e ena gammogo le diaparo tšeo ba di aparago ge pula e ena.

Thuto ya 9 – Mošomo wa go bala

Kgopela baithuti go bolele ka matšatši a beke, matšatši a kgwedi le dikgwedi tša ngwaga. Ba ka no di opela le go di bala. Ba kgopele gore ba bolele ka dilo tšeo di diragalago ka matšatši ao a fapafapanego. Ba kgopele gore ba ngwale matšatši a beke le dikgwedi tša ngwaga.

Thuto ya 10 – Moshe o humanwa ka meetseng

A ba bolele ka seswantšho sa Moshe. Ba dumelele go boledišana kutšwana ka kanegelo ya Moshe. Ba ka dira papadi ka kanegelo yeo ba lebeletše diswantšho.

Thuto ya 11 – Moshe o phološa setšhaba sa gagwe

Ba hlohleletše go thala sefahlego seo se nyamilego le seo se thabilego. Gopola gore ga go na seswantšho seo se sa lokago.

A ba lebeledišise diswantšho ka bobedi gomme ba hlokomele dilo tšeo di fapafapanego diswantšhong tše tše pedi. Ba fe nako yeoe lekanego go hlokomela dilo tšeo di fapafapanego le tšeo di swanago. Leka gore ba thabele mošomo wo. Ye ke e nngwe ya ditsela tša go betla mogopolo wa lephefo ngwaneng. E re ba dire lešakana dilong tšeo di fapafapaneng.

Thuto ya 12 – Melao e lesome

Morutiši/Mothuši

Ba dumelele go bušetša melao e lesome ka hlogo gomme ba leke le go hlaloša seo e se bolelago. Leka tsebo ya bona. Ba fe molao o tee gomme ba bolele gore ke wa bokae. A ba dire mošomo wo ka lethabo. A ba lote dinomoro ba bone gore go tšwelela eng.

Thuto ya 13 – Dafida wa modiši

Ge ba fetša go bala kanegelo ya Dafida dibukeng tša bona, ba nyake gomme ba be ba humane dinku tša Dafida ka go latela mothalo. Ba thuše gore ba se ke ba thula lebota. Ba tla thabela mošomo wo.

Thuto ya 14 – Dafida o lwa le monna wa senatla

A ba bale kanegelo ya Goliath monna wa senatla. A ba arabe dipotšišo tšeo di lego mabapi le thuto. Ba fe nako yeo e lekanego ya go ekiša monna wa senatla. Ka morago ga moo ba humane/ikhumanele mantšu ao (go tšwa) maratetšong.

Leka tsebo ya bona. Ba fe tsebo yeo e sego ya nnete, mohlala: Goliath o be a le yo monnyane kudu.

O be a na le mogau, a lokile.
Batho ba be ba mo rata.
Hlohleletša baithuti go tla ka dikarabo tšeo di nepagetšego.

Tekolo

O na le mantšu ao a feletšego ao a ngwadilwego maratetšong, ba fe nako ya go a nyaka. Ba hlohleletše go lebelela mantšu ao a nepagetšego maratetšong yeo ba e filwego. Gopola gore ba ka no tšea nako e telele ge ba leka go humana mantšu ao. Eba le kgotlelelo go fihlela ba a humana. Ba rete ge ba se no humana lentšu.

Thuto ya 15 – Daniele le ditau

Ba balele kanegelo ya Daniele, ba arabe dipotšišo ba lebeletše diswantšhong. Ba hlohleletše go kopiša mantšu ao a ngwadilego ka matheba (marothontho) dipukung tša bona.

Thuto ya 16 – Matswalo a Jesu

A ba lebelele diswantšho ka moka gomme ba nepe seo di se bolelang. Ba dire lešakana mantšung ao ba a filwego, ba lebeletše diswantšhong.

Thuto ya 17 – Ba bohlale le dimpho

A ba boledišane ka dimpho tšeo di ilego tša fiwa Jesu.

Gauta

Seorelo

Mira (ditlolo)

Bakgopele gore ba botšiše batswadi ba bona gore Dibano (diorelo) le Mira ke eng.

Thuto ya 18 – Diswantšho tša matswalo a Jesu

Leka tsebo ya bona:

A ba feleletše mantšu ka go nyalantšha lentšu le seswantšho.

Ba dumelele go thušana go hlama mantšu gore ba kgone go thabela mošomo wa teko.

Thuto ya 19 – Heroda o nyaka go bolaya leseae Jesu

Ba thuše go tšea leseae seswantšhong ba ye le lona Egepeta.

Thuto ya 20 – Jesu o dira mošomo wa Modimo

Jesu o rata batho ka moka.

Ba hlohleletše go bolela ka fao ba ratago Jesu ka gona. A ba kopiše mmolelwana wo: Jesu o a nthata.

Morago ga moo ba dire teko ba thušane.

Thuto ya 21 – Jesu o re ruta go rapela

Ba rute go rata thapelo bjalo ka Dafida.

A ba leke go bušeletša thapelo ye le go e tseba ka hlogo.

Ba rute thapelo ya Tate wešo wa Magodimong.

Thuto ya 22 – Jesu o tloga lefaseng

Ba balele kanegelo ka go nanya le ka go kwagala. Botšiša dipotšišo tše bjalo ka tše:

1. Jesu o ile a hwela kae?
2. Naa Jesu o sa le ka lebitleng?
3. O ile a tsoga ka morago ga matšatši a makae?
4. O ile a sepela ka eng go ya legodimong?

A ba thale seswantšho sa sefapano.

Thuto ya 23

1. Ba botšiše dipotšišo mabapi le koša.
2. Koša ye e re ruta ka ga eng?

Morutiši/Mothuši

- Ba hlohleletše go opela koša ye bjalo ka “Ha le mpotsa tshepo ya ka”. Ba opelele ka mokgwa wo bonolo woo o tlwaelegilego ebile ba tla o thabelago.
- Boledišanang ka bohlokwa bja thuto le seo batho ba se bunago ka go ithuta. Ba fe sebaka sa gore yo mongwe le yo mongwe a be le seo a se bolelago mo poledišanong ye. Gopola gore ga go na polelo yeo e lokilego le yeo e sa lokago. Nepo ke gore bana ba ntšhe maikutlo a bona.